

## I glaub' a dee

musik/text: t. garcia

si esch wonderschön  
triibt d'wolke usenand  
si esch d'sonne, si esch s'meer  
het's glöck a erere hand  
eres lache esch en storm  
störmt jedi muur i mer  
jede wederstand esch zwäcklos

i glaub' a dee

si esch klar wie d'nacht  
macht chliini sache gross  
liebt ond läbt wie-n-e werbelstorm  
ond si loot mi nömme los  
i weiss es tönt wie kitsch use me film  
doch si kösst jede zwiifel wägg  
ond loot mi ondergoh

i glaub' a dee  
i glaub' a dee  
i glaub' a dee  
i glaub' a dee  
es get nüüt, was i ned miech  
es get nüüt, was i ned würdi gää  
i glaub' a dee

si weiss haargenau  
alles was esch, esch ned för emmer  
doch en augebleck chan ewig goh  
eri auge händ 1000 zemmer  
lönd mi onverständlechs grad verstoh  
met ere zäme ben i vo allne zwäng befreit  
si loot mi undergoh

i glaub' a dee  
i glaub' a dee  
i glaub' a dee  
es get nüüt was i ned miech  
es get nüüt was i ned würdi gää  
i glaub' a dee